

清庵瑩蟾子語錄卷之四

甲八

門弟子寧庵鄧德成編

師在維揚作絕句令門人續一句師曰若有合轍者許進一步師曰無形無影亦無名樁柱乾坤古到今剛被清庵掀倒了定庵曰大千沙界總成金無庵曰杳無蹤跡絕追尋復庵曰要知下手定中尋嘿庵曰變成大地作黃金月庵曰虛無粉碎沒蹤尋師曰除無庵外一狀領過師曰乳鼎金爐烹日月天罡斗柄斡璇璣勞開混沌金丹就定庵曰迸出圓光過界輝無庵曰抱箇嬰兒謁紫微昔庵曰直謁丹霄不用梯復庵曰服了乘鸞造太微嘿庵曰認得中間一點輝素庵曰放出光明太始歸師曰諦觀諸子之作皆且且獨嘿庵曰較些子師曰舉步踏翻無色界擡頭撞倒大羅天有人問我安身處定庵曰透出金剛無碍圍無庵曰一顆珠中納大千復庵曰隱在鴻濛未判前嘿庵曰無滅無增本自然月庵曰只在眉毛眼睫前師曰定庵為上復庵次之師曰歷劫元來一寶珠硬如生鐵軟如

酥大千沙界無安處定庵曰包盡乾坤造化模無庵曰道外虛無蓋不數復庵曰照徹虛空一也無普庵曰看見分明竟後無嘿庵曰遍滿虛空總是深愛山曰無限清光照太虛師曰都未盡在其間獨定庵嘿庵較些子師曰着無着有總非功兩下俱稍又落空無有兼資終不一定庵曰無中真有始潛通嘿庵曰非無非有始圓通無庵曰非無非有顯神通復庵曰太虛同體道方通師曰都較些子予則曰不如默默守其中師曰圓陀陀地一團團在鴻濛未判前沒着沒根無可把定庵曰方明此際是真空嘿庵曰現前應用十分全無庵曰要知月落不離天復庵曰寂然不動悟真詮師曰嘿庵一句可取師曰上柱天兮下柱地中間一竅不通氣視之不見聽無聲定庵曰喫飯着衣常不昧嘿庵曰應用頭頭皆不離無庵曰拍塞虛空神鬼畏損庵曰却與虛空有何異師曰定庵可取師又曰立鼎燒乾四大海安爐煉碎五須彌金丹成象包三界定庵曰方顯男兒得志時無庵曰

道本無為喻有為嘿庵曰此是先天先地時濟庵曰正是超凡入聖時師曰定庵一句為絕師在昭陽四聖道院與諸法眷煉志令并附于此師曰華鋒一蕪江湖墨挺繞磨大地穿拍塞虛空書一畫嘿庵曰亘今亘古萬雲烟息庵曰毫尖露出本來天退庵曰畫開父母未生前靜庵曰此玄玄外更無玄師曰靜庵退庵較些子退庵一句改作混沌未分前更妙師曰小小庵兒小小蟾潛藏不許外人瞻夜來開放吞天口嘿庵曰滿腹丹砂火正炎靜庵曰嚼碎方知苦與甜退庵曰大地山河舌下潛一庵曰一味醞醞別樣甜師曰都較些子子則曰吞盡乾坤尚不厭師曰貧者今年成然貧庵中無地可容針貧來貧去貧無極嘿庵曰惟有金丹亘古今濟庵曰徹骨全無一點塵隱庵曰赤條條地本來心虛庵曰脫却皮膚見本心息庵曰煉得乾坤總是金惟庵曰唯有通身是紫金丁寧曰獨有神丹一粒金師曰都未是答曰家破人亡死却心師

曰黃婆昨夜養嬰兒繞出胞胎體太微混沌之中藏不得嘿庵曰還他無極以前時息庵曰却來乘米識玄機師曰都是未着答曰太虛之外幹瓊璣

師曰聞經聞法事難全離法求玄又不然不離不聞都是錯嘿庵曰一切掀倒始功圓息庵曰飢來喫飯困來眠師曰皆未盡善答曰執中不易是真詮師曰竿頭立底功難就進步如何動脚跟不動脚跟尋得到嘿庵曰上頭一着妙難論

師曰揭開腦蓋去朝元師又曰坐中閉眼道難成閉眼元來又屬陰不閉不閉真瞎嘿庵曰通身是眼我知音濟庵曰放開一眼觀教親師曰頂門具眼見天心師曰若行陸地涉途程水路來時墮壘坑不涉兩途爭得道嘿庵曰攔腮一掌太無情息庵曰元來中道坦然平師曰息庵較些子則曰乘風歸去謁三清  
師曰無門關鎖不難參說着無門便沒關既是無關開箇甚嘿庵曰知他窠臼有何難息

庵曰一拳打破透幾團虛庵曰不移一步到長安師曰虛庵可取

師曰坐中皆濁總為陰及至惺惺又屬情不散不昏都是垢嘿庵曰鼓琴招鳳自然清一庵曰萬緣俱泯大丹成東庵曰虛無空寂本

手誠靜安曰全身放下自通靈師曰都欠些子答曰放教自在便光明師曰工夫做到杳冥中守着些兒費了功不守又還成茫茫嘿

庵曰此身全與太虛同息庵曰息中自有大神通東庵曰全身隱在太虛中一庵曰寂然不動感而通師曰拈來物外逞神通師又曰

昨夜三更日正午大蟲吞却南山虎清庵定裏逞神通嘿庵曰獅子吼時誰敢侮願庵曰撼動乾坤誰敢侮師曰你兩箇都不識這箇

答曰說得驪龍起來舞師曰水中撈月從來妄火裏栽蓮是脫空極地尋天多費力嘿庵

曰不離當處闡神通息庵曰無修無證始成功師曰爭如一定守其中又曰天作庵兒地

作基四維八極作藩籬中間有箇癡呆漢嘿庵曰獨玩天心月上時

師曰索性掀翻不住持又曰乾坤未判從無極無極之前本太初未有太初前底事嘿庵

曰渠今非我我非渠息庵曰古今惟我獨如如師曰只今見在體元虛師曰昨宵日午與無家直上中天旋斗杓運轉法輪天地震嘿

庵曰乘珠宮裏正道遙又曰森羅萬象悉來朝師曰莫執無心與有心兩心到底不通真

有心畢竟心為累嘿庵曰會取中間真有因師曰無有雙忘證法身又曰我把殺人手段拈出活人刀子試問殺活如何嘿庵曰活却

從前死底息庵曰斬斷一切生死師曰你兩箇刀子無刃答曰法王法令在此

師曰爍爍團團一寶珠外無邊際裏頭虛輕輕拈出無安處嘿庵曰獨露單提得自如虛

庵曰遍周沙界現真如息庵曰放去收來總在渠一庵曰元始於中獨自居師曰你每安

得不着下着喚引我蟾蜍裏面居又曰煉就通紅熱鐵丸紅如果日大如天鉗來送入諸

人口嘿庵曰嚼出清涼一味禪息庵曰嚼碎方知滋味全師曰爛盡肝腸性始堅

師曰予與諸法眷續詩游戲予之本意不在詩而在道苟有以詩會道者無上至正之妙得矣今以挽邪歸正為題押韻作一絕句證不許犯題嘿庵曰堪笑迷徒不認家喚他假老作親爺嘿庵伸出無為手直指長安無障遮實庵曰曲徑傍蹊數百家人人錯認賊為爺我今喚得回頭了方信蓬萊路不遠甲庵曰三千小法眼前花切莫迷漫喚作爺慕鼻拖回歸大道滿天明月沒雲遮師曰抱賊叫屈實堪嗟兩眼明明不識爺莫怪清庵施毒手打開心孔要無遮

清庵瑩蟾子語錄卷之四

清庵瑩蟾子語錄卷之五

門弟子蒙庵張應祖編

早九

雜述

詩贈東溪

丹道立基處休教外境侵一心繞靜定二物互相任離火燒鉛汞雷車運水金調和藉坤土灌溉必天士白雪凝金鼎黃芽長玉簪這些真種子本不是玄參

又

會得潛心妙從他二鼠侵有人信得及無箇力難任慈誓弘如海機鋒利似金窮通內子午掀倒外丁士善閑無關鍵勿疑朋益替玄之又玄處一唯契曾參

轉求贊呂祖師

這箇呂老面善心黑兀兀騰騰飄飄逸逸劍佩青蛇丹傳紫極校勘將來分明奇特奇特一白又作麼生袖中神劍不露鋒銜宇宙縱橫了無人識

王居士求贊寶公頂相

這箇和尚物服背棒三十六場做盡模樣喚

直待擊破面皮露出裏頭端相

張居士求贊布袋和尚

這箇胖漢慣會做賊布袋中藏了無人識喚白是賊人心下虛笑中露出真消息

李居士求贊呂公

箇樣鬚髮是何像態兀兀騰騰捏捏恠恠寄迹紅塵遊遊物外既到這裏私賊盡敗且道賊在甚處袖內隱青蛇果中藏世界

善友求贊王祖師

這箇老叟形容大醜髮少如鬚眼大似口自稱是五祖兒孫人喚作七真師友且道如何即是看更問如何磨者便擣

趙居士求贊三仙圖

祖師清庵黃胖黃胖全不似像百無一能受人供養還識具底麼為伊劈破面皮却與虛空一樣潔庵指大指大千喬百怪讀五車書一字不會且道云何不會脫却飽老戲衫博箇金剛不壞

贊諸法眷

了蟾頌曰心月圓明性天朗耀迸出了蟾乾